



NETAJI SUBHAS OPEN UNIVERSITY

School of Humanities

Established By Act (W.B. Act (XIX) of 1997 and Recognised by U.G.C.

Head Office: DD-26, Sector-I, Salt Lake City, Kolkata-700064; Phone: 033 40663214

Kalyani Campus: Kalyani Ghoshpara, Kalyani 741235; Phone: 033 25820103

Website: www.wbnsou.ac.in; Email: nsou@wbnsou.ac.in

One-Day Orientation Programme on BDP Bengali Counselling in ODL System, Organized by School of Humanities, NSOU: Report

ইউ.জি.সি.ডি.-ই.-বি.-র অর্থানুকূল্যে নেতাজি সুভাষ মুক্ত বিশ্ববিদ্যালয়ের মানববিদ্যা অনুষদ ১৬ সেপ্টেম্বর, ২০১৫-য় মুক্ত শিক্ষাক্রমে স্নাতক-স্তরীয় বাংলা ভাষা ও সাহিত্য পঠন-পাঠন সংক্রান্ত একটি কর্মশালার আয়োজন করে। উক্ত অনুষ্ঠানে যোগদান করেন বিশ্ববিদ্যালয়ের বিভিন্ন স্টাডি-সেন্টারে স্নাতক-স্তরীয় বাংলা ভাষা ও সাহিত্য পঠন-পাঠনে নিযুক্ত কাউন্সেলররা। কর্মশালার মূল আলোচ্য বিষয় ছিল, মুক্ত শিক্ষাক্রমে স্নাতক বাংলা পাঠক্রমে পাঠদান পদ্ধতি।

নেতাজি সুভাষ মুক্ত বিশ্ববিদ্যালয়ের বাংলা ভাষা ও সাহিত্যের পাঠক্রম এমনই এক পাঠক্রম যা অন্যান্য প্রাতিষ্ঠানিক বিশ্ববিদ্যালয়ের বাংলা পঠন-পাঠনের একটি সমান্তরাল পাঠক্ষেত্রের দিগন্ত উন্মোচিত করে শিক্ষার্থীদের সামনে। উন্নত ও আধুনিক বাংলা স্নাতক পাঠক্রম ও উন্নত মানের পাঠ-উপকরণ এই মুক্ত শিক্ষার ক্ষেত্রে বিস্তৃতি দিয়েছে। কিন্তু দূরশিক্ষা পর্যবেক্ষণ-এর প্রচলিত ও প্রণালীকৃত প্রকরণ অনুযায়ী এই পাঠক্রম ও স্বশিক্ষা উপযোগী পাঠ-উপকরণকে শিক্ষার্থীদের সামনে আরও স্পষ্টভাবে বোধগম্য করার দায় বিশ্ববিদ্যালয়ের থাকে। এখানে, শিক্ষার্থীদের সঙ্গে পাঠ-উপকরণের সংযোগ ঘটে বিভিন্ন স্টাডি-সেন্টারে নিযুক্ত কাউন্সেলরদের মাধ্যমে। ফলে, খুব স্বাভাবিকভাবেই মুক্ত শিক্ষা পাঠক্রমে বিশ্ববিদ্যালয়ের স্থিরীকৃত বিষয়ভিত্তিক পাঠদান পরিকল্পনা সেইসমস্ত কাউন্সেলরদের নির্দিষ্ট সময় অন্তর জ্ঞাত করার প্রয়োজন থাকে। আর সেই গুরুত্বপূর্ণ প্রয়োজন থেকেই, স্নাতক বাংলা স্তরের কাউন্সেলরদের ওরিয়েন্টেশন প্রোগ্রাম বা উজ্জীবনী কর্মশালার আয়োজন করেছিল বিশ্ববিদ্যালয়ের বাংলা বিভাগ ও স্কুল অফ হিউম্যানিটিজ।

১৬ সেপ্টেম্বর, ২০১৫-য় সকাল ১০:৩০ মিনিটে নিবন্ধীকরণের শেষে শুরু হয় উদ্বোধনী অনুষ্ঠান। অনুষ্ঠানের সভাপতিত্ব করেন বিশ্ববিদ্যালয়ের মাননীয় উপাচার্য অধ্যাপক শ্রী শুভশঙ্কর সরকার। উপস্থিত ছিলেন স্টাডি-সেন্টার বিভাগের অধিকর্তা অধ্যাপক শ্রী অসিতবরণ আইচ, কার্যনির্বাহী পরীক্ষা নিয়ামক শ্রীমতী রোকেয়া রায় এবং মানববিদ্যা অনুষদের কার্যনির্বাহী আধিকারিক অধ্যাপক শ্রী মনন কুমার মণ্ডল।

পুষ্পস্তবক প্রদানের মাধ্যমে এঁদের প্রত্যেককে বরণ করে নেন বিশ্ববিদ্যালয়ের চারজন অধ্যাপক। বাংলা বিভাগের সহযোগী অধ্যাপক শ্রী মনোরঞ্জন গোস্বামী তাঁর স্বাগত ভাষণে কর্মশালার উদ্দেশ্য পরিস্ফুট করেন। এরপর কর্মশালার বিষয়ভিত্তিক প্রস্তাবনা করেন অধ্যাপক শ্রী মনন কুমার মণ্ডল। বিশ্ববিদ্যালয়ের প্রস্তাবিত পরিকল্পনা অনুযায়ী কীভাবে মুক্ত শিক্ষাক্রমে স্নাতক-পাঠদান প্রক্রিয়ার উৎকর্ষসাধন সুনিশ্চিত করা যায় --- মূলত সেই বিষয়েই তিনি আলোকপাত করেন। অধ্যাপক শ্রী অসিতবরণ আইচ স্টাডি সেন্টার বিভাগের অধিকর্তা হিসেবে ভাষণ প্রদান করেন। কার্যনির্বাহী পরীক্ষা নিয়ামক শ্রীমতী রোকেয়া রায় পরীক্ষা সংক্রান্ত কয়েকটি বিষয় নিয়ে আলোচনা করেন। বিশ্ববিদ্যালয়ের মাননীয় উপাচার্য তথা অনুষ্ঠানের সভাপতি অধ্যাপক শুভশঙ্কর সরকারের মূল্যবান বক্তব্য সংযোজন ও ধন্যবাদ-জ্ঞাপনের মাধ্যমে উদ্বোধনী অনুষ্ঠানের সমাপ্তি ঘটে।

দশ মিনিটের চা-পান বিরতি শেষে শুরু হয় প্রথম প্রায়োগিক অধিবেশন। এই পর্বে সভাপতিত্ব করেন মানববিদ্যা অনুষদের কার্যনির্বাহী আধিকারিক অধ্যাপক শ্রী মনন কুমার মণ্ডল। দুটি পর্যায়ে বিভক্ত ছিল সেই পর্বটি। প্রথম পর্বে মুক্ত শিক্ষাক্রমে স্নাতক-স্তরীয় বাংলা পাঠক্রমের অন্তর্ভুক্ত প্রথম, তৃতীয়, চতুর্থ ও সপ্তম পত্রের পঠন-পাঠন বিষয়ক আলোচনা করেন অধ্যাপক শ্রী মনোরঞ্জন গোস্বামী। প্রতিটি পত্রের জন্য শিক্ষার্থীর সুনির্দিষ্ট বোধগম্যতার সুবিধে-অসুবিধের কথা ভেবেই সেই আলোচনা অগ্রসর হয়। যদিও, সময়ভাবে সব

ক'টি পত্রের বিষয় আলোচনা স্বাভাবিকভাবেই সম্ভব ছিল না। তবে, মুক্ত শিক্ষাক্রমে কোনো একটি টেক্সট কীভাবে পড়ানো উচিত, কীভাবে স্বল্প সময়েও কোনো একটি টেক্সটকে শিক্ষার্থীদের কাছে প্রাণবন্ত করে তোলা যায় --- বিভিন্ন পত্র থেকে কয়েকটি উদাহরণ নির্বাচনের মাধ্যমে তা পরিস্ফুট করেন তিনি। মুক্ত শিক্ষাক্রমের আদর্শকে সামনে রেখে পাঠ-উপকরণকে যথাযথভাবে শিক্ষার্থীদের সামনে উপস্থাপনের কৌশলটি, অনুষ্ঠানে আগত বিভিন্ন কাউন্সেলরদের কাছে পৌঁছে দেওয়াই ছিল তাঁর মূল উদ্দেশ্য। এরপর মুক্ত শিক্ষাক্রমে স্নাতক-স্তরীয় বাংলা পাঠক্রমের অন্তর্ভুক্ত দ্বিতীয়, পঞ্চম, ষষ্ঠ ও অষ্টম পত্রের পঠন-পাঠন বিষয়ক আলোচনা করেন অধ্যাপক অনামিকা দাস। এই আলোচনার শেষে নিবন্ধীকৃত কাউন্সেলরদের বক্তব্য-কেন্দ্রিক একটি প্রশ্নোত্তর পর্ব অনুষ্ঠিত হয়। প্রথম প্রায়োগিক অধিবেশনের সভাপতি ডঃ মনন কুমার মণ্ডল সেই প্রশ্নোত্তর পর্ব সঞ্চালনা করেন এবং কাউন্সেলরদের পাঠদানকেন্দ্রিক নানাবিধ অসুবিধের দিকগুলি গুরুত্ব সহকারে আলোচনা করেন।

প্রথম অধিবেশনের দ্বিতীয় পর্যায়টি নির্ধারিত ছিল নিবন্ধীকৃত কাউন্সেলরদের বক্তব্য ও প্রশ্নোত্তর পর্বের জন্য। এই পর্বে বিভিন্ন কাউন্সেলররা, মুক্ত শিক্ষাক্রমে স্নাতক-স্তরীয় বাংলা পাঠক্রমের পঠন-পাঠন সংক্রান্ত নিজেদের অভিজ্ঞতা ও অসুবিধের কথা সভাপতির গোচরে আনেন। সামগ্রিকভাবে স্নাতক-স্তরীয় বাংলা পাঠদানের ক্ষেত্রে কাউন্সেলররা কী কী অসুবিধের সম্মুখীন হচ্ছেন, কীভাবে সেই অসুবিধে থেকে উত্তরণ সম্ভব --- সেই বিষয়ে আগত কাউন্সেলররা তাঁদের মূল্যবান বক্তব্য রাখেন। সেইসঙ্গে, পাঠ-উপকরণের ক্রটি-দুর্বলতার দিকটিও চিহ্নিত করে ভবিষ্যতে যথাসাধ্য ক্রটিমুক্ত পাঠ-উপকরণ প্রস্তুতির ক্ষেত্রে নতুন দিশা দেখান তাঁরা। তাঁদের অসুবিধের দিকগুলি গুরুত্ব সহকারে বিবেচনা করে যথাসাধ্য উত্তরণপ্রদানের মাধ্যমে তাঁদের সন্তুষ্টিবিধান করেন সভাপতি অধ্যাপক শ্রী মনন কুমার মণ্ডল।

মধ্যাহ্ন-ভোজনের বিরতি শেষে শুরু হয় দ্বিতীয় প্রায়োগিক অধিবেশন। এই পর্বের-ও সভাপতি ছিলেন অধ্যাপক মনন কুমার মণ্ডল। এই পর্বে কাউন্সেলরদের করণীয় সম্পর্কে আলোকপাত করেন স্টাডি সেন্টার বিভাগের সহ-অধিকর্তা শ্রীমতী নীলাঞ্জনা চ্যাটার্জী। স্টাডি সেন্টার থেকে সেল্ফ লারনিং মেট্রিয়াল বন্টনের ক্ষেত্রে কাউন্সেলরদের সেসমস্ত অসুবিধের সম্মুখীন হতে হয়, সেইসব সমস্যার কথা কাউন্সেলরদের কাছ থেকে শোনার জন্যই এই প্রায়োগিক অধিবেশনের আয়োজন। এই অধিবেশনের সঞ্চালক ছিলেন অধ্যাপক মনোরঞ্জন গোস্বামী।

স্বল্প সময়ে অনেক কাউন্সেলরকেই তাঁদের বক্তব্য পেশ করার জন্য যথোপযুক্ত সময়-পরিসর দেওয়া যায়নি। তবে, সকলেই একমত হন যে, ভবিষ্যতে শিক্ষার্থীদের স্বার্থেই আরও বেশি সংখ্যায় এই ধরনের কর্মশালার আয়োজন প্রয়োজন।

অনুষ্ঠানের একেবারে অন্তিম পর্বে 'মুক্ত শিক্ষাক্রমে স্নাতক বাংলা পাঠক্রমে পাঠদান পদ্ধতি'-কেন্দ্রিক কর্মশালায় যোগদানকারী প্রত্যেক কাউন্সেলরকে শংসাপত্র ও সম্মানদক্ষিণা প্রদান করা হয়।